

中國方志叢書·華北地方·第二八九號

據

清·王
清·道
光七

年
刊

輯本


影印

陝西 省

陝西志輯要

(一)

成文出版社有限公司印行



中國方志叢書・華北地方・第二八九號

據

清・王 志
清・道 光 七 年 刊 本


影印

陝西 省

陝西志輯要

(一)

成文出版社有限公司印行



少華王魯泉輯

談圖志輯覽

賜書堂雕

陝西志輯要序

昔許宗魯論為志曰累疊不秩則案牘爾詖諧不情則滑稽爾採覽不充則盲瞶爾去取不專則胥徒爾旨哉言志之難為也陝西通志修於雍正之年迄今百餘載矣各府志修於乾

隆之年迄今亦數十載矣其他州縣
類多無志非志之不當為實志之不
易為也余以膚學承乏茲土欲徵文
獻以訪遺佚竊有志而未逮焉丁亥
春魯泉先生過訪出所為輯要一
編余受而讀之備往招來絜網提目

輯分野所以驗天文也輯沿革所以
明建置也輯疆里所以稽地理也輯
學校所以端教化也輯戶口所以重
生聚也輯田賦所以慎筭納也輯風
俗所以正人心也輯關津所以便行
旅也輯山川所以彰清淑也輯古蹟

所以覽勝概也輯祠墓所以昭敬典
也輯官師所以紀功德也輯人物所
以崇坊表也輯列女所以敦氣節也
輯仙釋逸流所以表畸異也訂訛去
偽遠稽近徵或本舊編而節錄之或
集聞見而拾補之井然燦然閱二載

而稿始就 先生之心苦矣而 先生之功偉矣夫志即史也輯要則志之權輿也非有作史之識與才或失之煩如案牘矣或失之誣如滑稽矣或失之陋如盲瞶矣或失之濫如胥徒矣飾輪轅以為虛車何以輯為又

何以信今而傳後耶今先生詳無
贅詞非累疊不秩也直無蔓語非談
諧不情也不矜遺跡非採覽不充也
不溺塵習非去取不專也讀之者如
履其地而見其人雖古良史又何加
焉豈獨為輯要乎哉即以為陝西通

志焉可世稱康對山武功縣志文簡
而明事覈而要其義昭勸鑒尤嚴而
公以陝之人為陝之志故能臻其極
則余於輯要一書即以此數語贈之
他日有為志者知其必以是為嚆矢
也是為序

道光七年歲次丁亥暮春之初

賜進士出身陝西提刑按察使司按
察使署布政使前翰林院編修粵東
顏伯燾頓首拜

叙

關中文武舊治也周文監二代美哉
郁郁厥後漢唐相沿千百年論文徵
事猶以爲古故其所遺卽瓦礫皆爲
至寶足光典籍特自明至今志書頻
修卷帙之繁如涑水通鑑自非王益

柔鮮能一過讀者病之吾友王子魯
泉今淵雅士佐治

盧大中丞于暇時著本省志輯要一
書是非不相賀真僞毋或舛朴而友
簡而該余閱而愛之與弟典侯出贊
以授剖劘庶欲考成周漢唐以來故

實不至有望洋之嘆矣昔河濱李叔
則著霧堂集三十卷洛川劉秉三刻
之予向爲之續刻今爲魯泉刊此猶
是志耳外此有漢唐碑跋

盧大中丞秦疆治畧均鐫附之宦學
者並將有取焉至三書止陝不及甘

魯泉語我則因中丞所治云爾

朝坂謝蘭佩

陝西志輯要凡例

一陝西通志及各府縣志卷帙浩繁檢閱不易且通志修於雍正十三年府志皆修於乾隆年間州縣無志者甚多幾於文獻無徵茲檢查各志並採輯諸家紀載刪繁就簡彙爲一編以便觀覽

一天文分野載於各府之首各縣不復重載

一陝西爲周秦漢唐建都之地自文武以來帝德王功具載世紀茲不復錄

一戶口田賦總數載於省志各府俱不復載其細

數散見各州縣中

一祠廟陵墓俱係前人遺蹟并爲一門

一人物取其確有可傳者始錄其有事蹟而出於附會及雖爲顯宦而無事蹟者皆不錄

一人物秦漢以前其里居無從考核者載於府志

一人物有各縣重出者考其人與地確有依據方爲載入

一列女志中所載甚多惟取其有奇節者始錄

一流寓仙釋擇其有關考據者錄之餘寧從闕

一人物自乾隆以後未見記載者不敢妄增